

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ЖУМҲУРИЯТИ ИИБ ҲАЙЪАТИ НАШРИ

№ 146 (2410)

1991 ЙИЛ 5 ДЕКАБРЬ

ПАЙШАНБА

БАҲОСИ 10 ТИЙИН

АЙНИ МУДДАО

Ички ишлар вазирлиги ҳузуридаги моддий-товар бойликларни олиб чиқиб кетишни назорат қилувчи давлат инспекцияси тузилганига ҳали унча кўп вақт бўлгани йўқ. Ҳукуматнинг ўтган сонларидан бирида эълон қилинган «Ҳазина соқчиларига ўхшатиш келади» номли мақолада бу инспекциянинг юмуши, вазифаси, ўтган қисқа

вақт мобайнида эришган ютуқлари хусусида батафсил маълумот берган эдик. «Бу хизмат айна муддао бўлди», — деб ёзишмоқда кўпчилик муштарийлар.

Президентимиз номига битилган кўпгина телеграмма ва хатларда ҳам шу фикр билдирилмоқда. Қўйида шулардан иккитасини эътиборингизга ҳавола қилмоқдамиз.

Ҳурматли Ислом Абдуғаниевич!

Сиз имзолаган халқпарвар фармонлар буюк ўзбек халқининг асрий орзуларини амалга ошириш учун қўйилган дадил қадамлар бўлмоқда.

Республика ички ишлар вазирлиги ҳузурида моддий-товар бойликларни олиб чиқиб кетишни назорат қилувчи давлат инспекциясининг тузилиши, айнаси, ҳаммани қувонтирмоқда. Вилоятимиздаги Абдуллажон Қодиров бошлиқ шу инспекция ходимлари четта ноқонуний чиқарилиб кетилаётган 10 тонна пиёз, 3 тонна арпа-бугдой, 25 тонна кунжара ва бошқа маҳсулотларни ушлаб қолиб, ҳайдовчиларимизга сотди.

Жамоамизнинг яқинда бўлиб ўтган митингида 600 кишилик аъзоларимиз шу йил 29 декабрь куни мустақил Ўзбекистон давлати Президенти учун бўладиган сайловда Сизнинг номзодингиз учун овоз беришга яқдиллик билан қарор қабул қилдилар.

600 кишилик жамоамиз номидан:

Қ. УРОЛОВ,

Жиззах шаҳар таксомотор парк директори,

Б. МУҚИМОВ,

касаба уюшмаси кўмитаси раиси.

Уртоқ И. А. Каримовга!

Биз Жиззах вилояти уруш ва меҳнат фахрийлари Сизнинг ички ва ташқи сиёсатингизни бутунча маъқуллаш ва қўллаб-қувватлаймиз. Шунингдек, Сизнинг Жумҳурият ИИБ ҳузурида моддий-товар бойликларни олиб чиқиб кетишни назорат қилувчи давлат инспекцияси тузиш ҳақидаги қарорингизни маъқуллашамиз.

Бу инспекция биринчи кунлардан жумҳурият чегарасидан чиқиб кетаётган кўпдан-кўп маҳсулотларни қайтариб қолиб, халқ орасида диққат-эътиборга сазовор бўлди. Уларнинг бу ишлари нарх-навони пасайишига олиб келади.

Сизга шуни маълум қиламизки, бу давлат инспекцияси томонидан қайтариб қолинган пиёз, олма, картошка, анор, майиз ва бошқа маҳсулотлар биз — меҳнат ва уруш фахрийларига тарқатилмоқда. Бунинг учун биз Сизга ўзимизнинг чуқур миннатдорчилигимизни билдираемиз.

Э. ИСЛОМОВ,

Жиззах вилояти уруш ва меҳнат фахрийлари Кенгашининг раиси вазифасини бажарувчи.

МАЪҚУЛЛАНДИ

Сурхондарё ИИБ ходимларининг бўлиб ўтган йиғилишида И. А. Каримов номзоди бир овоздан маъқулланди. Шахсий таркиб Президентлик сайлови куни унинг номзоди учун овоз беришга яқдиллик билан қарор қилди.

ҲАМИША ҲУШЁР

мураббийлардан бу касбнинг сир-асрорларини мукаммал ўрганди.

Фаолиятининг дастлабки йили — 1968 йил Ҳасан Саъдиев ҳаётида бўлган воқеа унутилмас из қолдирди. У Бутуниттифоқ қидирувида бўлган хавфли жиноятчини ушлаш операциясида қатнашиб, анча тажриба орттирди ва бу хизмати учун «Милиция аълочиси» нишони билан мукофотланди.

Ҳасан Саъдиев ўз постида ҳамиша сергак. Унинг назари

ридан икки-чикир ҳам четда қолмайди. Қачон қараманг, уни доим Каттакўрғон шаҳрининг аҳоли гавжум жойлари, жамоатчилик орасида кўрасиз.

Шаҳар кўчалари бўйлаб ўрта бўйли, кўзлари ёниб турадиган, ҳамиша сергак ва ҳушёр Ҳасан Саъдиев кезиб борапти. У шаҳрам қадамлар ташлаб бораркан, ўз ишидан мамнун. Негаки, у ноҳуш воқеа содир бўлмаганидан, кишилар озор чекмаганидан мамнун. Майли, Ҳасан Саъдиев ва унинг минглаб ҳамкасблари ишлари ҳамиша ана шундай осойишта, тинч ўтсин. Ана ўшандагина халқ улардан доимо хурсанд бўлади.

Ғайратжон ШУКУРОВ.



Жамиятимиздаги иқтисодий танглик тобора чуқурлашиб бормоқда. Бунинг натижасида қонунбузарликлар — олибсотарлик, чайқовчилик кун сайин ўзининг қамровини, кўламини ошириб бормоқда. Бугун ҳамма нарсани «қўлдан» топиш мумкин бўлиб, айни вақтда эса давлат дўконлари шип-шидамлигича қолмоқда. Чайқовчилик аталмиш механизм жамиятин

кун сайин ямлаб, одамларнинг оддий кундалик ташвиши, юмушига айланиб бормоқда. Тан олиш керак, бугун чайқовчиларсиз бозорни топиш кўп қийин-а. Давлат дўконларининг аҳволи бу бўлгач... Ишқилиб йўлини қилиб молни дундиришади «азаматлар».

БХСС ходимларига ҳам иш етарли. Хоҳла танлаб-танлаб ушла, хоҳла бир бошдан. Сиз суратларда кў-

риб турган мана бу буюмларга Ленин тумани ИИБ БХСС ходимларининг «назари тушган». Бунақа буюмлар магазинларнинг бетини ҳам кўрмагани аниқ, чайқовчиларнинг эса ҳар бирини завод ёки фабрикаси, афсуски, йўқ. Шундай экан, булар қаердан келаяпти ўзи? Буни тушунтирадиган, биладиган бирорта одам бормикин?

Сизу бизни қийнаётган бу саволлар, шубҳасиз, Ленин тумани ИИБ БХСС ходимлари М. Жўраев ва А. Холмирзаевларга ҳам тинчлик бермайди. Ва сизу биздан фарқли ўлароқ улар шу саволнинг жавобини топишга астойдил бел бошлашган.

СУРАТЛАРДА: БХСС ходими милиция капитани Мирза Жўраев (чапда), БХСС бўлинмаси бошлиғи милиция майори Аббор Холмирзаевлар чайқовчилардан мусодара қилинган нарсаларни кўздан кечирмоқдалар; бу кийимлар кимларнингдир фақат тушларига киради.

Б. ХОЛМИРЗАЕВ олган суратлар.



АКС-САДО

БУ ЁҒИ ҚАНДОҚ БЎЛДИ?

Мен «Осмон нега тушиб кетмас экан?» мақоласини чуқур ўйга чўлган ҳолда ўқиб чиқдим.

Ерининг бағри кенглигига доғ қолмай ялож йўқ. Уни яхшилар билан бирга ёмонлар ҳам босмоқда. Разиллар, ваҳшийлар уни топтаса ҳам, бардош бермоқда.

Авваллари қарилар кичик бир номаъқулчиликни курсалар: «Бу ўзбекка хос қилиқ бўлмабди», — дейишарди. Шу гапнинг ўзиёқ ўша одамга қора тамгаден

ёмон таъсир қиларди. Хо-зир эса ўзбекчилик у ёқда турсин, бошқа муқаддас нарсалар ҳам кутарилиб кетди. Ҳамманинг кўз ўнгиде бировни урса, дўшпосласа, тунаб кетсаю ҳеч ким нида-маса. Мана мустақилликка эришганимизга ҳам икки ойдан ошди. Энди ҳаммаси ўзимизники-ку, бундан буё-ғига ҳам бир-биримизни алдасак, тунасақ қандоқ бўларкин?

Жамила ЖўРАЕВА.

Кейинги пайтларда Янгибозор тумани ҳудудида енгил машиналарнинг гилдиракларини ўғирлаш ҳоллари тез-тез юз берадиган бўлиб қолди.

«Аҳвол шу таразда давом этаверса, одамларнинг бизга бўлган ишончи йўқолади. Жиноятчилар эркин ҳаракат қилишига йўл қўйиб бераёلمиз. Бу ишга бефарқ қараб бўлмайди. Зарур чора-тадбирларни кўришимиз шарт».

Катта тезлик билан келаётган енгил машина постпатрул хизмати катта инспектори, милиция лейтенанти Ақлбой Тўқашев кўнглида шубҳа уйғотди. Яқинлашиб қолганда, тўхташ ишорасини берди. Аммо машина тезлигини ўзгартирмай ўтиб кетди.

Улар кимлар эди? Аввало, ўғрибоши ҳақида.

Йўлдош Қурбонниёзов Урганч шаҳрида яшайди, ҳеч қаерда ишламайди. Енгил машиналар гилдирагини ўғирлаш борасида устасифаранглардан.

Келинг, яхшиси Йўлдошнинг қилмиши тафсилотлари билан танишайлик. У бел оғритмай мўмай пул топиш ҳақида жуда кўп ўйлаб кў-

нинг 3-бригадасида яшовчи Зарифбой Жумамуродов уйи олдида турган автомашина унинг эътиборини ўзига тортди. Аввалига машинасини ўчириб, атрофни бир пас кузатди. Шарпа сезилмади. Шундан кейингина режасини амалга ошириш учун иш бошлаб юборди.

Бир ҳафтадан кейин яна ўша жамоа хўжалигида пай-

ратишади. Улар тажрибали ўғрилardan бошқачароқ иш туттиди. Ўғриланинг аксарияти аввал режалаштириб, кейин мақсадга ўтишади. Бизнинг «қаҳрамонлар» режалаштириб ўтиришмади. Машина кимники ва қанақа белгили эканлигини билиш ҳам улар учун шарт эмас. Енгил машина бўлса бас, керакли жойини ўмариб кетаверишади.

Улар тажрибали ва ўзининг жонкуяри бўлмиш қонун ҳимоячилари йўлларида кесиб чиқиши мумкинлигини ўйламадилар.

Шу воқеадан кейин Ақлбой машинаси гилдиракларини ўғирлатиб юрган кўплаб кишилардан раҳматлар ошди, ҳамкасблари орасида обрўси янада ошди.

М. АЛИЕВ.

«ГИЛДИРАК КИМГА КЕРАК?»

ди. Ўйлаб-ўйлаб бир қарорга келди. Гилдирак ўғирлайди. Ҳозир нима кўп — енгил машина. Унинг гилдираги тақчил. Хоҳлаган пайтда истаган баҳода сотиш мумкин. Фақат қўлга киритилса бас.

Тун. Барча ошуда уйқуда. Борлиқ сукунатда. Кўчада эса Йўлдошдан бошқа ҳеч ким йўқ.

до бўлди. Бу сафар у вояга етмаган тўрт нафар ўспиринни ўзига қўшиб олди.

— Агар овимиз бароридан келса, ҳар биринга 15 сўмдан пул бераман, — деди Йўлдош болаларга.

Ойбек ва Илҳомбек Абдураҳмонов, Маҳмуд Зарипов ва Қадамбой Норбоевлар унинг бу таклифига дарҳол рози бўлишди. Чунки бор-йўғи бир неча соат ичида 15 сўм пул ишласак ёмонми, деб ўйладилар.

Иш тақсимлаб берилди. Илҳом пойлоқчилик қиладиган бўлди, қолганлари эса гилдиракни машинадан аж-

Қўрқув

Тун ярмида Ангрен шаҳрига шиддат билан кириб келаётган «Волга» автомобилли овлқ жойда бир муддатга тўхтади. Ундан шошилмай тушган кимса озгина юриб атрофга аланлагандай бўлдию жойда тек қотди. Унинг бу туриши ниманидир қутаётганидан даррак берарди.

Икки шарпа дарахтлар, буталар, ариқлар оралаб тоза қочоқни қидирдилар. Бир ҳаёли оғзидаги тайёр луқмани ютолмай бошига бало орттирган лапашанг шеригини отиб ташлай ҳам деганди. Нимадир ушлаб қолди.

Искович итлардек қидиришлар натижа бермаслигига кўзлари етгач, машинага югурдилар. Шахт билан ўтириб, елдек учиб кетишди.

Елкасидан енгил жароҳат олган «Волга» ҳайдовчиси анчагача қалтираб жўхоризор ичида жон сақлаб турди. Жон ширин эмасми ҳар бир шарпа, сасга қулоқлари диккаяр, юраги ҳам қўрқувдан тез-тез уриб кетарди. Бу ерда қанча ўтирди, билмайди.

Гира-шира тонг отаётганида Оҳангарон тумани ИИБга етиб келди-ю, навбатчини воқеадан хабардор этди. Барча постлар оғоҳлантирилди.

Оператив гуруҳ жабрланувчини олиб йўлга тушди.

Обиджон ўз юмуши билан Чимкентга борди. Машинаси Тошкент белгиси билан эмасми, шохбекалда бир ўзбек йигити қўл кўтарди.

Йўлда шеригини ҳам олишни илтимос қилган йўловчи ўзини «коммерсант» деб таништирди. Коммерсантлардан ёмонлик чиқишини ўйлаб ҳам кўрмаган Обиджон унинг даб-дабали ҳаётига маҳлиё бўлганча кетаверди.

Терговчи хонасига келтирилган жиноятчилар Обиджонга шунақанги ўқрайиб қарашдики... Терговчи ҳам осом бўлмади. Бошида гувоҳни тўхматчи, ёлгончиға чиқаришга ҳў уринган икки босқинчининг бошқа жиноятлари сув юзига қалқиб чиқди.

Босқинчилар қилмишларига яраша жазосини олишди. Обиджон эса ҳамон кечалари ваҳимали тушлар кўриб чиқарди. Ҳамон улловига қўл кўтарган йўловчилардан ола арқондан кўрққандай қочади. Одамларга ишонгиси келади-ю, бироқ...

М. ИБРОҲИМОВА.

Уқувли «талаба»

Тўрт йил умрини темир панжаралар аро кечирган Шўҳрат яхшигина «тарбияланди». Тўрт йиллик «таҳсил» уни бошқа оламга олиб кирди.

Озодликка чиққандан сўнг ўша олам чегарасидан чиқмади, чиқишни хоҳламади... Урганган кўнгил хоҳишига қараб иш қилди.

Кунларнинг бирида монтаж, сўғурғич ва арқон олиб, велосипедига ўтирди-да, йўлга тушди. Тунда ўзи олдиндан мўлжаллаб қўйган Жомбой шаҳар шифохонасига келди.

Атрофдаги сокинликдан кўнгли хотиржамланиб, руҳий касалликлар хонасининг деразасидан силлиққина ичкарига кирди. Хона эшигини олиб келган асбоблари билан очиб, коридорга ўтди. Рентген хонасининг эшиги ҳам «зўрга» турган экан.

Кўз кўргандан кейин қўл тинчимас экан. Жомбой тумани нон комбинатига қарашли новвойхонадаги «Горизонт-206» белгили телевизорни, Абдулаҳат Турсуновга тегишли бўлган «Катд-15» трансформаторини қўлтиқлади.

Шўҳратнинг ҳаёлига қўлга тушсам қамаламанку, деган ўй келмасди. Чунки унинг учун озодликда ёки қамоқда яшашнинг фарқи қолмаганди. Шу сабабли ўша туннинг ўзидаёқ навбатдаги ўғирликка қўл урди.

Орадан бир ҳафта ўтар-ўтмас, Жомбой туманида яшаб келган Шўҳрат Носировнинг кирдикорлари фож бўлди ва олти йилга озодликдан маҳрум этилди.

Т. ИСАҚУЛОВ, Жомбой тумани халқ суди раиси.

Н. МЕЛИЕВ, «Постда»нинг жамоатчи мухбири.



Автомобиль йўлларида ҳалокатларнинг кайиши назоратчиларнинг ўз вазифаларига масъулият билан ёндашишига ва қатнов бетиним давом этадиган бу йўлларда уларнинг зийраклигига боғлиқ. СУРАТДА: Тошкент вилояти ИИБ ДАНБ 1-алоҳида ротаси йўл назоратчиси милиция старшинаси Эргаш Жўраев, Чиноз тумани ИИБ ДАНБ бошлиғи милиция майори Ускан Абдуҳакимов ва вилоят ИИБ ДАНБ 4-алоҳида ротаси йўл назоратчиси милиция старшинаси Рустам Қурбонов олис манзилга йўл олган машина ҳайдовчисининг ҳужжатларини текширяптилар.

Ҳ. ШОДИЕВ олган сурат.

ЕШЛИКНИНГ АЯНЧЛИ СЎҚМОҚЛАРИ

ҚАЙТА БУЗИШ

Тимур биринчи марта 18 ёшида ўғирликка қўл урганда эҳтимол моддий бойиғиси келгандир. Уч йилга кесилганда, умрининг шунчаси тутқинликда ўтишига сира ачинамагани. Негаки чиққанида ҳам энди 21 ёшда бўларди. Ҳали кўп нарсаларга улгурарди. Аммо Тимур у ёқдан негадир ёмонликдан ҳоли бўлиб қайтмади. Дангаса, сиркаси сув кўтармайдиган, қўпол, кам-ҳаракат бўлгани билан нуқул шоҳона яшашни орзу қиларди. Бунинг устига ёл-

ғиз эмас. Шериклари у ёққа ҳам бирга боришса, гурунглашадиган одамнинг бўлса. Агарда қамалган шерикларинг сен билан ёнма-ён ўтирмаса ҳам, қаерлардадир улар худди шундай ҳасрату азобда эканлигини билсанг, дардинг енгиллашади.

Тимур оғайнилари Виталий, Александр, Елена, Татьяналарнинг «кўзини» очди. Оғзини кўпиртириб яхши яшагача чорлади. Ким буни хоҳламайди дейсиз? Гапни бир жойга қўйишиб, ўғирликка қўл уришди. Қўл

уришдию кайфлари тарқач, бошларини чангаллаб қолди.

Милиция ходимлари ушбу гуруҳ фаолиятига ўз вақтида чек қўйдилар.

Тошкент шаҳар Акмал Икромов тумани халқ суди 1966 йилда туғилган Тимур Мамедов, 1968 йилда туғилган Виталий Астахов, 1967 йилда туғилган Александр Петряев, 1969 йилда туғилган Елена Колесникова ва Татьяна Чумаковаларнинг ҳар бирини 3 йил озодликдан маҳрум этди. Жиноятчи ожизаларга нисбатан ҳукм ижроси 2 йилга кечиктирилди.

Нур БАДИА.

ЭҲТИЁТ ҚИСМ ЎҒРИЛАРИ

сақланадиган жарима майдонига келган йиғитлар урилган, пачоқланган машиналардан эҳтиёт қисмларини шила бошлашди. Бироқ ўлжалар билан чиқиб кетиш насиб этмади.

Янгийўл тумани халқ суди ушбу ўғирликни кўриб

чиқиб, М. Юсуфов, Р. Ажиаблаев, И. Чашевовларни уч йилга озодликдан маҳрум қилишга ҳукм чиқарди. Аммо ёш эканликлари, биринчи марта судланаётганликларини инобатга олиб, жазо муддатини икки йилга кечиктирди.

С. ЖАМОЛОВ.

